



Mikivsuk Thomassen
Inatsisartuni ilaasortaq
Inuit Ataqatigiit
Maani/

**§ 37 naapertorlugu apeqquteqaammut nr. 2019_206-imut nunatta avannaani
amaqqut pillugit akissut**

Inatsisartut suleriaasissaanni § 37-mi imm. 1 naapertorlugu nunatta avannaani amaqqut pillugit Naalakkersuisunut apeqquteqarputit. Apeqqutit uannit akineqartussanngorlugit innersuunneqarput.

Apeqquteqaat 1. Naalakkersuisut amaqqut illersugaaner at pillugu nalunaarutissamik suliaqarner at sumut killiffeqarpa?

1-mut akissuteqaat:

Amaqqu t illersugaaner at piniagaaner allu pillugit nalunaarummut siunnersuut tusarniutigineqareerpoq maannakkullu Naalakkersuisut isummernissaannut tunngavissiaq Aalisarnermut, Piniarnermut Nunalerinermullu Naalakkersuisoqarfimmi suliarineqarluni. APNN-ip toqqarsimavaa nunatta avannaani piniartut misilittagaat ilisimasaallu aalajangiinissamut tunngavissiamut ilanngunneqarnissaat.

Apeqquteqaat 2. Naalakkersuisut amaqqunut nunatta avannaani piniakkanut ulorianartorsiortitsisut piniagaasinnaaneranut qanoq aaliangiiniarpat?

2-mut akissuteqaat:

Naalakkersuisut qanoq aalajangiiniarnersut oqaatigisinnaanngilara.

Apeqquteqaat 3. Naalakkersuisut piniartut avannaani amaqqut piniakkanut ulorianartorsiortitsisarnerannik oqariatuutaat isumaqatigaat?

3-mut akissuteqaat:


Naalakkersuisut qanoq isummerniarnersut oqaatigisinnaanngilara suliaq suli ingerlammat. Amaqqut piniakkanut ulorianarsinnaaner at ilumoorpoq, amaqqut qaasuttuummata uumasullu allat nerisarimmatigit. Pinngortitaleriffimmiit ilisimatitsissutigineqarpoq Kalaallit Nunaanni amaqqut pingaarnertut umimmaat aamma ukallit nerisarigaat. Naalakkersuisut Nunatta avannaani piniartuniit ataatsimoorussamik allagaqaammik Juunimi 2017-imi tigusaqarput, taakkulu ilisimatitsissutigaat amaqqut amerliartorsimasut tuttunullu, ukallinut, teriannissanut piniakkanullu allanut sunniuteqartut.

Nunatta avannaani piniartut piniakkat tungaatigut amaqqunit sunnerneqarner at pillugu piffissami matumani oqaloqatigineqartarput misilittagaat ilisimasaallu ilanngunniarlugit.

Ulloq: 02-07-2019
Suliap normua: 2019 - 14642
Akt normu: 11063186
Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanog.gl
www.naalakkersuisut.gl

Tamanna Naalakkersuisut suleqatigiinnissamik isumaqatigiissutaannut aamma piniarneq aallaaniarnerlu pillugu inatsimmut naapertuulluarpoq. Taassuma kingorna Naalakkersuisut qanoq isummissanersut oqaatigisinnaangilara.

Inussiarnersumik inuulluaqquillunga

A handwritten signature in blue ink, appearing to read 'Jens Immanuel', written in a cursive style.

Jens Immanuel
Aalisarnermut, Piniarnermut Nunalerinermullu Naalakkersuisoq

INUIT ATAQATIGIIT

Inatsisartuni



17.06.2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Naalakkersuisut amaqqut illersugaanerat pillugu nalunaarutissamik suliaqarnerat sumut killiffeqarpa?**
- 2. Naalakkersuisut amaqqunut nunatta avannaani piniakkanut ulorianartorsiortitsisut piniagaasinnaaneranut qanoq aaliangiiniarpat?**
- 3. Naalakkersuisut piniartut avannaani amaqqut piniakkanut ulorianartorsiortitsisarnerannik oqariartuutaat isumaqatigaat?**

(Inatsisartuni ilaasortaq Mikivusuk Thomassen, Inuit Ataqatigiit)

Tunngavilersuut:

Tunngavilersuutigaara apequteqaateqarsimaninni akissuteqarnikummata (nr.224_2018) suliaq ingerlanneqartoq tusarniutigineqartorlu qanittumilu aqqiffiqineqarniartoq piniagaalersinnaanerat piniartutut allagartalinut, kisiannili massakkumut sulii erseqqissumik nalunaarutigineqarnani. Erseqqissaatigissavara massakkut Qaanaap eqqaanilu takussaanerulermata takkussuunnikuullutillu qaninngoortut isumaqarpunga piaartumik erseqqissumik akissuteqartoqarumaartoq.

Tamannaavoq Naalakkersuisunut apequteqarninnut tunuliaqutaasoq.

Kissaatigivara apequtikka ullut suliffiusut qulit qaangiutinnginneranni akineqarnissaat.